

Ханлт ӧргджӧнӧвдн

Эн джилӧ август сарин чилг-чӧр, Хальмг таньгъчас 29 сургъульчнр Пятигорск гӱулгӧнӧ-кооперативн школд илгӧлтӧр ирлӧвдн. Энӱнд крайин райод болгънас болн Карачаево-Черкесскӧс бас кесг олн сургъульчнр сурчацхана.

Ирсн сургъульчнр иг техникумин директор ӱр Борисов Григорий Степанович болн энӱнд кӧдлджӧх багшнр йир байрта, ӧр джӧӧлн кевӧр тосдж авцхадж, дуту-дунд угагъар маниг тетгв.

Эн техникумин директор болн багшнр медрлӧн сургъульчнрт ӧгхӧр, сургъульчнр дасджах эрдмдӧн шилтдж,

дурлдж дастха гидж ӱни селк-лӧрн зӱткцхӧнӧ.

Бидн, сургъульчнр, эн килмджд хӧрӱ ӧгч, ончта кевӧр дасдж, Хальмг таньгъчдан сӧн медрлтӧгъӧр ирдж, орн-нуттан коммунизм тосхлгъна зерглӧнд орлцхдан чидлӧн нӧӧшговдн.

Техникумин директор Григорий Степанович Борисовд болн багшнрт, эднӧ мартгдшго седклинь темдглдж, тана газетӧр дамджулад ханлт ӧргджӧнӧвдн.

В. МАЛУНОВА,

Пятигорск гӱулгӧнӧ-кооперативн школин кулиарн „Б“ группин сургъульч.